

---

## **Фарғонада «Тоза ҳаво» ойлиги тадбирлари давомида меъёридан ортиқ ташламалар билан ҳаракатланаётган 680 тага яқин турли автоуловлар аниқланди**

Бугун бутун дунёда саноат корхоналари ва транспорт воситалари сонининг кескин ошиб бораётгани атмосфера ҳавосига ташланадиган заарарли ташламаларнинг ортишига сабаб бўлмоқда.

Шундан келиб чиқиб, республикамиизда ҳар йили икки босқичда «Тоза ҳаво» ойлиги тадбирлари ўтказилади. Табиат ресурслари, Ички ишлар ва Сог ълиқни сақлаш вазирликлари томонидан ҳамкорликда ўтказилаётган мазкур тадбир жорий мавсумда Фарғона вилоятида ҳам уюшқоқлик билан ташкил этилди.

Ушбу тадбирлардан кўзланган асосий мақсад, автотранспорт воситаларидан атроф-муҳитга етказилаётган заарарли таъсирларни камайтириш, шунингдек, атмосфера ҳавосини муҳофаза қилишга қаратилган қонунчилик талабларига риоя қилинишини таъминлашдан иборат.

Фарғона вилоятида тадбирлар давомида автотранспорт воситаларидан ташланаётган заарарли газларнинг токциклик даражаси ва тутун қалинлиги бевосита маҳсус асбоблардан фойдаланган ҳолда назоратдан ўтказилди.

Вилоят миқёсида белгиланган режага асосан 13825 та автотранспорт воситалари техник назоратдан ўтказилиши белгиланган. Биринчи босқич давомида 14000 дан ортиқ автотранспорт воситалари айни жараёнда қамраб олинди.

Вилоятда «Тоза ҳаво» ойлиги давомида меъёридан ортиқ ташламалар билан ҳаракатланаётган 672 та автоуловлар аниқланиб, уларга нисбатан қонунчиликда ўрнатилган тартибда таъсир чоралари кўрилди. Автомобиллар техник хизмат кўрсатиш устахоналарида таъмирланганидан сўнг қайта ўлчаниб фойдаланишга рухсат берилди.

Анвар Ашурров,

Табиат ресурслари вазирлиги Фарғона вилоят бошқармаси бошлиқ ўринбосари

Гулноза Тўхтасинова,

Табиат ресурслари вазирлиги Фарғона вилоят бошқармаси матбуот котиби

2023-05-12 19:43:26